

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।

लक्ष्मण गजमाल 'चिलिमि'
प्रोप्राइटर



लाखा छँ
LAKHA CHHEN

सोह्रखुटे, वडा नं. १६, येँ, फोन नं.: ८३६०७५८

थुकि दुने



थौतकया मातृभाषा पत्रकारिता
नृपेन्द्रलाल श्रेष्ठ - २



चंगुं (चाँगु) इ माधवनारायण
चक्रधरानन्द राजोपाध्याय - ३

अन्तर्राष्ट्रिय मातृभाषा दिवसया लसताय
थौया नेपालभाषा पत्रकारिता विषयस
अन्तरक्रिया ज्याइव: - ४-५



चिकित्सालययात अत्याधुनिक स्वास्थ्य
उपकरणलिसें सुविधासम्पन्न अस्पताल
दयकेगु योजना
डा. मनोजमान श्रेष्ठ - ६

अन्तर्राष्ट्रिय मातृभाषा दिवस व नेपालभाषा

भाषाया उत्थानय नेवा: संचार ख्य:या भूमिका

लहना संवाददाता

फेब्रुअरी २१, हलिन्यंकया मातृभाषीतयगु नितिं, थ:गु मातृभाषाया सम्मान तइपनिगु नितिं छू महत्वपूर्ण दिं ख: । थुगु दियात हलिन्यंक विश्व मातृभाषा दिवसया रूप हनाव:गु दु । मातृभाषा दिवसया सन्दर्भय मेमेगु खँ लहाय स्वयां न्हय: थुगु दिवस छाय हनावल धइगु खँ थन न्हयथने सान्दर्भिक जुइ । सन् १९५२ य तत्कालीन पूर्वी पाकिस्तानया बङ्गाली मातृभाषी समुदाय थ:गु मांभाय सरकारी ज्याखँय छयले दयमाल धइगु माग तया: आन्दोलन या:गु ख: । व हे आन्दोलनया इवलय प्रदर्शनय कुहाव:पिंमध्ये न्यामह विद्यार्थीतयत राज्य पक्षं गोलिं कय का: स्यानाबिल । लिपा उगु आन्दोलन तच्चयावना: भाषिक अधिकारया नितिं थ्वयाच्वंगु स: बिस्कं देय्या मागय हिलावन । फलस्वरुप बङ्गाली भाषा छयले दयमाल धका: न्हया:गु आन्दोलन बिस्कं देय्या माग या:कथं बङ्गलादेशयात जन्म बिल । भाषिक समानताया स: थ्वयका: जगु आन्दोलनया इवलय न्यामह विद्यार्थीत शहिद जगु व दिं धइगु १९५२ फेब्रुअरी २१ ख: । सन् १९९९ नोभेम्बर १७ य युनेस्को थुगु दियात विशेष दिनया रूप स्विकार या:गु ख: । लिपा सन् २००० स संयुक्त राष्ट्र सङ्घं तर्क थुगु दियात



नेपालभाषाया उत्थानया नितिं नेवा: संचार ख्य:या नं विकास यानावनेमा:गु खनेदु । उकिया नितिं सकलें नेवा: संचारकर्मी, नेवा: संचारहयमिपिं छथाय मुने आवश्यक जू ।

मातृभाषा दिवसया रूप हनेत आह्वान याय धुंका: हलिन्यंक फेब्रुअरी २१ या दिनयात अन्तर्राष्ट्रिय मातृभाषा दिवसया हनेगु या:गु ख: । भाषिक समानताया नितिं स: थ्वयका: विद्यार्थीपिन्सं शहादत प्राप्त या:गु व हे दियात भीसं अन्तर्राष्ट्रिय दिवसया रूप हनाच्वना सा बङ्गलादेशय शहिद दिवसया रूप हना: सार्वजनिक विदा तर्क बीगु या: ।

आ: भीथाय नेपालय स्वयं थन नं भी नेवा:त लिसें आदिवासी जनजाति समुदाय भाषिक समानताया माग तयाव:गु, सरकारी ज्याखँय थ:गु मांभाय छयले दय मा:गु माग तया: स: थ्वयकाच्वंगु त:दै दयधुंकल । आ: वया: बल्ल छुं छुं माग पूवनेगु प्रक्रियाय ला न्हया:वंगु दु धाय मा: । स्थानीय सरकार स्थानीय विषय दुने

स्थानीय मातृभाषा शिक्षा न्हया:गु दुसा स्थानीय तहस स्थानीय मातृभाषायात छ यलेत मान्यता बीगु यानाह:गु दु । तर अझ हे नं यक्व हे खँय एक भाषाया नीतिं हे थाय कयाच्वंगु अवस्था दिन । थज्या:गु अवस्थाया शिकार नेवा: संचार ख्य:, नेवा: पत्रकारिता ख्य: नं जुयाच्वंगु दु धायमा: । सिमित बजार व सिमित संख्या दथुइ जक वनीगु नेवा: संचारमाध्यमयात नं कथित मूलधार धयात:गु त:धंगु संचारमाध्यमलिसे हे तया: छू हे मिखां स्वयगु यानाच्वंगु दु । अज्या:गु अवस्थाय थीथी समस्याया सामना याना: छापा, श्रव्य, श्रव्यदृश्य अले अनलाइन माध्यम नेवा: पत्रकारिता ख्य: न्हयानाच्वंगु दु ।

भाषिक पत्रकारिता धयाकथं उकी व हे सम्बन्धित समुदाय व भाषा स:पिं जक हे उकिया श्रोता, दर्शक वा पाठक जुइगु स्वाभाविक जुल । थ्व छू समस्या नं ख:सा छू हव:ता: नं ख: । पाठक वा दर्शकया संख्या म्हव: जुइ धायबलय समस्या नं तायफु सा गुलिखे सेवा वा उत्पादनया प्रचार प्रसारया नितिं लक्षित समूह व हे सिमित संख्या हे जुयाच्वनेफु । अथेजुया: व हे संचारमाध्यम अज्या:गु वस्तु वा सेवाया प्रचारप्रसारया नितिं प्रभावकारी माध्यम नं सावि त जुइफु ।

त्यं ७ पेजय

खुलामञ्च आ: धात्थें जुल खुला



खुला मञ्च, येँया नुग:चुइ च्वंगु छू चर्कगु ख्य: । नहापा तिंख्य:या हे छू ब्व जुयाच्वंगु थुगु चर्कगु ख्य: तिंख्य: लिक्नुनार्वलिसे तिंख्यपाखें ब्याग: जुया: खुलामञ्चया स्वतन्त्र अस्तित्व कायम जुयाच्वंगु ख: ।

छू इलय विशेष याना: राजनीतिक दलया थीथी ज्याइव:, विरोध सभा आदि जुइगु थाय कथं खुलामञ्चया विकास जुयावंगु ख: । छक: ला नेवा:तयसं न्हूदँया ज्याइव: तर्क थ्व हे खुलामञ्चय हे या:गु ख: । तर लिपांगु इलय थीथी अस्थायी संरचना दयका:, निर्माण सामग्री मुके बिया: खुलामञ्चया दुरुपयोग यात, थुकियात

हाकनं खुला यायमाल धका: विरोध जुयाव:गु ख: । नेपा:या दक्कले पुलांगु वीर अस्पताल व दरवार हाइ स्कूलया निर्माणया इवलय उगु संरचना निर्माण यायत मा:गु निर्माण सामग्री लिसें छुं कामदारत च्वनेगु लागिं धका: खुलामञ्चय अस्थायी टहरा दयकात:गु ख: ।

खुलामञ्चयात खुला यायमा:गु माग जनस्तरपाखें जुयावयाच्वंगु ख:सा येँ महानगरपालिकां निर्गुलिं संरचनाया निर्माण क्वचायवं खुलामञ्चय मुंकात:गु दक्क निर्माण सामग्रीलिसें अस्थायी संरचना चीकेगु नं धयाव:गु ख: ।

त्यं ७ पेजय



सम्पादकीय



दिवस हनेगु ज्या औपचारिकताय् जक सीमित मजुइमा

निन्दु न्ह्यः २१ फेब्रुअरीया दिनस भीसं अन्तर्राष्ट्रिय मातृभाषा दिवस हना । अथे हे वंगु माघ ८ गते सामाजिक न्याय दिवस, वयां छन्दु न्ह्यः फागुन ७ गते ला प्रजातन्त्र दिवसया नापनापं निर्वाचन दिवस न । फागुन २ गते फेब्रुअरी १४ या दिं लाकाः प्रणय दिवस, अथे फागुन १ गते फेब्रुअरी १३ या दिं लाकाः विश्व रेडियो दिवस । १ गतेनिसें स्वयंभूतय् थौतकक भिँछन्दुया दुने भीसं खुगू दिवस हनेधुन । दच्छिंयंक स्वल धाःसा ला सखे न्हिँ छगूया ल्याखं धइथें दिवस लाः वयाच्चनी जुइ । थुगू दिवसतय् धलःया दुने संचार क्षेत्रलिसे सम्बन्धित जुगू ल्याखं विश्व रेडियो दिवस अले देय्या प्रजातन्त्रलिसे स्वानाच्चंगु ल्याखं प्रजातन्त्र दिवस महत्वपूर्ण जू सा भी थःगु मांभायप्रति सम्मान तइपनिगु नितिं मातृभाषा दिवस दककले महत्वं जाःगु दिवस जुइफु ।

थुलि खँया दुने भीसं विश्व रेडियो दिवसय् रेडियोया विकासय् छु गुकरथया योगदान बी फत ? अथवा थौया अवस्थाय् प्रजातन्त्र दिवसया गुलित औचित्य दु ? उकिया नापं छु थःगु मांभाय त्वःताः 'मनेवारी कुरा बुइछु, बोल्न आउँदैन' धका गर्वसाथ धाईपिंनेवाःतय्सं मातृभाषा दिवस कुन्दु छन्दु जक सांनेवाः भाय् ल्हायफत ला ? मेगु ला खँ त्वःते, अन्तर्राष्ट्रिय मातृभाषा दिवसया दिनय् सामाजिक संजालय् नेवाःतय् गर्व स्वयंभूतःजू । मातृभाषा दिवसया भिंतुना बियाच्चन खय् भासं । 'अन्तर्राष्ट्रिय मातृभाषा दिवसको शुभकामना, मातृभाषा बचाऔं, मातृभाषाको संरक्षण गरौं' धकाः नेवाःतय्सं हे सामाजिक संजालय् मातृभाषा दिवसप्रति गर्व ब्वयाच्चन । आः थुकिइ गर्व ताय् माःगु खः कि लज्जाबोध जुइमाःगु खः ?

जात्रा न्यायके न्ह्याः, रथ साले न्ह्याः, छ्वयला नय न्ह्याः, तपाः लँ सुरुवाः फी न्ह्याः, हाकु पतासि सिने न्ह्याः तर नेवाः भाय् ल्हाय् मयःपिनिगु ल्याः म्हवः मजू । जातीय समुदायया दककले तःधंगु पहिचान धइगु हे भाय् खः । खय् भाय्, अंग्रेजी भाय् वा मेगु न्ह्यागु भाय् ल्हाःसां मनूया म्येँ हे वया जातीय पहिचान बियाबी । वयागु नवायेगु पहलं वयागु जातीय पहिचान न्ह्यब्वयाबी । भाय् तनकि सम्बन्धित जातीय समुदायया पहिचान तन धकाः थुइकूसां ज्यू । भाय् ल्हाय्मसःगुयात बांमलाःगु खँ मधाय्, सय्केगु कुतः मन्त कि व बांमलाःगु खँ जुल । उकिया नापं कुतः यात धाःसा छु जक सय्के मफइगु दु धकाः ।

सार्वजनिक रुपं नेवाः भाय् ल्हाय् मसः धकाः गर्व साथ धाय्गु त्वःते । भनेर ल्याएको, गरेर ल्याएको गएर पठाउँछु धकाः खँ ल्हानाः मलाई नेवारी राम्ररी आउँदैन मधाय् । छुं नं भाय् पुरापुर शुद्ध सुनां नं ल्हाय् फइगु मखु, गथे वः अथे नेवाः भाय् ल्हानावनकि बालानावनी । भाय् ल्हाय्गु बानी याय्, मातृभाषाया सम्मान तय् ।

थौतकया मातृभाषा पत्रकारिता

नेपालय् थौया अवस्था स्वयंगु खःसा मातृभाषाय् मेपिनिगु पत्रिका स्वयां नेपालभाषाया यक्व पत्रिका दु । आःया अवस्थाय् नेपालभाषा छगू न्हिँपौ, प्यंगू वाःपौ, निगू बाःछिपौ, खुगुलिं मल्याक्क लय्पौ पिहां वयाच्चंगु दु ।



नूपेन्द्रलाल श्रेष्ठ

दँयदसं थें थुगुसी नं फेब्रुअरी ११ वल । थुगुसी नं भीसं थौथी ज्याइवः यानाः, थौथी कथं विश्व मातृभाषा दिवसयात हना । भी नेवाः भीगु मांभाय नेपालभाषा अथवा नेवाः भाय् । थौ या दिनय् युवजा पुस्ताया दथुइ नेवाः भाय् तनावनाच्चंगु छु स्याःचाः नं दुसा नेवाः पत्रकारिता ख्यःपाखें युवा पुस्ता दथुइ चाय्कं मचाय्कं भाषिक जागरण हयाच्चंगु बांलाःगु पक्ष छु नं दु । छापा, श्रव्यदृश्यलिसें अनलाइन माध्यमय् नं नेपालभाषा माध्यमया पत्रकारिताया प्रभावकारी सक्रियता लजगाःया ह्वःताः नं ब्वलकाच्चंगु दुसा थज्याःगु अवस्थाय् मातृभाषा पत्रकारिता ख्यलय् थःगु करिअर दय्केगु नितिं नं ल्याय्मह पुस्ता थुगु ख्यलय् आकर्षित जुवावःगु अवस्था दु । थज्याःगु अवस्थाय् नेवाः पत्रकारिता ख्यलय् दुहावःपिं ल्याय्मह पुस्ता भीगु ईतिहास नं सीकातय् माः । नेपालय् विश्व मातृभाषा दिवस धा अथवा नेवाः पत्रकार लिसें थौथी आदिवासी जनजाति पत्रकारत जाना हनावःगु मातृभाषा पत्रकारिता दिवस धा, थनथाय् लुमनावइगु नां खः, धर्मादित्य धर्माचार्य । नेपालभाषा माध्यम बुद्धधर्म व नेपालभाषा पत्रिका पिथनाः नेपालय् मातृभाषा पत्रकारिताया शुरुवात यानादीमह मातृभाषा पत्रकारिताया प्रणेता खः धर्मादित्य धर्माचार्य ।

बुद्ध धर्मया नामं धर्मादित्य धर्माचार्य पत्रिका पिकाःगु नं थौ सच्छि दँ दत । थव हे नेपालभाषाया नापं मातृभाषाया न्हापांगु पत्रिका खः । व ल्याखं भीसं थौ धाय्फत थुगु पत्रिकां यानाः हे धर्मादित्य धर्माचार्यनेपाःया न्हापांमह मातृभाषी पत्रकार नं जूगु दु । नेवाः पत्रकारिताया खँ ल्हाय्बलय् नेवाःतय्सं थौ स्वयां ६४दँ न्ह्यः हे नेपालभाषाया न्हिँपौ पिकाय्थुंकल । फतेबहादुर सिंहया प्रकाशन व सम्पादनय् २०१२ भाद्र महिनाय् नेपाःया स्वंगुगु न्हिँपौकथं नेपालभाषाया न्हापांगु न्हिँपौ 'नेपालभाषा पत्रिका' पिहांवःगु खः । थव नेपालभाषाया न्हापांगु व नेपालया स्वंगुगु न्हिँपौ खः । नेपालय् न्हापांगु न्हिँपौ धइगु 'आवाज' पत्रिका हे खः । वयां लिपा 'समाज' न्हिँपौ वलसा 'नेपालभाषा पत्रिका' स्वंगुगु थासय् लाः । नेपालभाषा पत्रिका पिहांवःबलय् खय् भासं हे न्हिँपौ अथवा धाय्, दैनिक पत्रिका पिमदीन । थौया इलय् पिहां वयाच्चंगु 'गोरखापत्र' दैनिक नं २०१७ सालय् जक न्हिँपौ जूगु खः । चन्द्र शम्सेर प्रधानमन्त्री जुबलय् साप्ताहिक पत्रिकाकथं गोरखापत्र पिदंगु खः । अर्नालि वालय् निक्कः जुवाः लिपा तिनि दैनिक जूगु खः ।

नेपालभाषा न्हिँपौ न्हापांगु दैनिक पत्रिका जूसां न्हापांगु नेवाः बुखें पौ वा समाचारप्रधान पत्रिकाया ल्याखं थनथाय् पासा बाःछिपौ नं ल्वःमंकेमज्यू । आशाराम शाक्यया सम्पादनय् च्वसापासाया प्रकाशनय्

२००८ सालय् समाचारयात प्राथमिकता बियाः 'पासा' बाःछिपौ पिहांवःगु खः । लिपा थुगु पत्रिका दैनिया जुवाः छुं ई पिहांवःगु खःसां लिपा दिनावन । वाःपौपाखे स्वयं बलय् वि.सं. २०४१सालय् पिहांवःगु 'राजमति' वाःपौ हे नेपालभाषाया न्हापांगु वाःपौ जूगु दु । वयां लिपा यक्व हे साप्ताहिक पत्रिकात पिहांवलसा गुलिखे ईलिसे दिना नं वन । छगू इलय् तसकं लोकहवाःगु, अतिकं बय्बय् जूगु नेपालभाषाया साप्ताहिक पत्रिकात इनाप वाःपौ, देशय्मरइयाः वाःपौ नं थौया इलय् निरन्तर जुइ मफय्थुंकल । इनाप पत्रिकां नेवाः पत्रकारिता ख्यःयात तःमह हे पत्रकारत उत्पादन याःगु दु । उगु इलय् इनाप पत्रिकाय् ज्या याःपिं आपाःथे पत्रकारत थौतक नं पत्रकारिता क्षेत्रय् सक्रिय हे दर्नि ।

न्हिँपौया हे खँ ल्हाय्बलय् २०४४सालय् 'विश्वभूमि' नामं मेगु न्हिँपौ पिहांवल । चर्चा वा लोकप्रियताया खँ ल्हाय्बलय् विश्वभूमि नं उलि हे चर्चित पत्रिका खः । नेवाःतय् दथुइ जक मखु, गैर नेवाःतय् दथुइ हे उलि हे लोकहवाःगु विश्वभूमि न्हिँपौ ०४६सालया जन आन्दोलनया इलय् ला तसकं हे बय् बय् जूगु खः । उगु इलय् विश्वभूमि न्हिँपौ नेपालभाषा मथूपिन्सं तर्क मात्तुमालाः ब्वनेगु याः । थुगु न्हिँपौ ०४६ सालया आन्दोलनया

ज्वनाः, थनिं ६दँ न्ह्यः २०७० साल फागुन २७ गतेया दिनय् नेवाः पत्रकारिता ख्यलय् 'लहना' वाःपौ पिकायागु खः । लहना वाःपौ थौं खुदै फुनाः न्ह्यदँ क्यंगु दु । नेपाःया प्रेस ख्यलं फयाच्चंगु हाथ्याःया नापं नेवाःख्यलय् छगू न्ह्युगु सोचलिसें हरेक हाथ्याःया सामना यानाः लहना वाःपौ पिदनाच्चंगु दु ।

नेपालभाषाया पत्रिकाय् दकल्य न्हापां ब्लोअप पिकाय्गु ज्या लहना वाःपौपाखें हे जूगु खः । लहना वाःपौ स्वयां न्ह्यः नेवाः अथवा मेमेगु भाय्या पत्रिकाया नितिं ब्लो-अप धयागु कलाकारतय्गु नितिं जक खः । ब्लो-अपय् सकिपा ख्यःया कलाकार अथवा पप गायक गायिकातय्गु ग्ल्यामरस फोटो जक पिदनीगु खः । लहना वाःपतिं नेवाः ब्यक्तित्वपिनिगु ब्लो-अप पिथनेगु यात । लहना वाःपतिइ कलाकारया नापं पत्रकार, व्यापारी, समाजसेवी नापं थौथी ख्यलय् योगदान बियाच्चपिनिगु ब्लोअप पिदंबलय् थुकिं नं छगूकथंया क्रान्ति हल । व धुंकाः नेपालभाषा ख्यलय् जुवाच्चपिनिगु थौथी गतिविधियात नं ब्लोअपय् पिथनेगु ज्या पत्रकारिता ख्यलय् ब्लो अपया खँय् मेगु न्ह्युगु कन्सेप्टया विकास जुल ।

गुलिं पत्रिका पिदन, लिपा वनाः दिना नं वन । दिनावंगुया थौथी कारण दय्फु तर आर्थिक पक्ष नं प्रमुख कारक जुइफु ।

मातृभाषा पत्रकारिता ख्यलय् व्यावसायिक पत्रकारिताया विकास याय्गु, न्ह्युगु परिकल्पना, न्ह्युगु खुराकलिसें घटना, विचारयात विश्लेषणात्मक ढङ्गं प्रस्तुत यानाः पाठकयात सत्य, सन्तुलित व विश्वसनीय बुखें बीगु ज्याय् लहना न्ह्यानाच्चंगु दु, सदां न्ह्यानां तुं च्वनी ।

इलय् न्हिँ हे स्वक्वःतक नं पिकाय्गु याःगु खः । थव पत्रिका नं थौं इतिहासया पानाय् जक सीमित जुइमाःगु दु ।

थुलितकया ई धइगु नेवाः अथवा मातृभाषा पत्रकारिताया नितिं तसकं थाक्यु ई खः । न्हिँगः राणा शासनया इलय् समाचार च्वःगु आधारय् जेल तय्गु यानाच्चंगु खः । अथे हे, ३०दँ न्ह्यः पंचायती व्यवस्थाय् नं सरकारया बारे च्वल कि जेलय् लाःपिं यक्व दु । ०४६/४७ सालया जनआन्दोलन लिपा देसय् बहुदलीय व्यवस्था वल । व धुंकाः मातृभाषा पत्रकारिताय् जुवाच्चपिन्सं ट्युपाः वइगु आशा याःगु खः । तर नं सरकारय् च्वपिन्सं गबले नं भाषिक पत्रकारिता ख्यलय् ट्युपाः हय्गु कुतः मयाः । थौं नेपाःया संविधानय् पूर्ण प्रेस स्वतन्त्रता धाःसां मिडिया विधेयक, सूचना प्रविधि विधेयक आदि हयाः दण्ड जरीवाना याय्गु कुतः जुवाच्चंगु दु । थजाःगु परिस्थितिं राणा शासन लिहांवःगु आभाष नं जूगु दु । देसय् लोकतान्त्रिक गणतन्त्र वय्थुंक्यु अवस्थाय् तर्क सरकार पत्रकारिता क्षेत्रय् ट्युपाः हय्गु गबले स्वःगु मडु ।

नेपालय् थौया अवस्था स्वयंगु खःसा मातृभाषाय् मेपिनिगु पत्रिका स्वयां नेपालभाषाया यक्व पत्रिका दु । आःया अवस्थाय् नेपालभाषा छगू न्हिँपौ, प्यंगू वाःपौ, निगू बाःछिपौ, खुगुलिं मल्याक्क लय् पौ पिहां वयाच्चंगु दु । न्यागू अनलाइन, स्वंगू टिभि च्यानल व छगू एफ.एम. नेपालभाषा न्ह्यानाच्चंगु दु । उकिया दथुइ छगू न्ह्युगु सोच

पत्रिका पिकाय्त आर्थिक पक्ष बल्लाकेत दकल्य माःगु विज्ञापन नं खः । सरकारं याइगु विज्ञापनय् गबले नं स्थानीय भाय् छ्यलेगु कुतः यानाच्चंगु मडु । स्थानीय सरकार, प्रदेश सरकार व संघीय सरकारपिन्सं बीगु सुचंत स्थानीय भासं नं बीगु अवस्थाय् मातृभाषा पत्रिकायात छगू तिबः जुइफु ।

०६२/६३ सालया जन आन्दोलनं देसय् संघीय गणतन्त्र हय्थुंक्यु दु । बहुल जाति, भाषा, धर्म धकाः राष्ट्रिय गानय् हाःसां पत्रकारिता क्षेत्रनिसें प्रशासकीय क्षेत्रतर्क आःतक नं छगू हे भाषाय् जक लिक्नुनाच्चंगु दु । व ल्याखं लिसें मेमेगु थौथी कारण नं पत्रकारिताया थौया ई तसकं चुनौतीपूर्ण जुवाच्चंगु इलय् मातृभाषा पत्रकारिता अफ चुनौती जाः । थौं दुइ तिहाइया सरकारं मिडिया काउन्सिल विधेयक, सूचना प्रविधि विधेयक आदि हयाः संचार ख्यःयात चीत कुतः यानाच्चंगु दु । थौं सरकारं हे संचार ख्यःयात गुकरथं विकास याय्गु स्वयाच्चंगु मडु, बरु गथे यानाः संचार ख्यःयात नियन्त्रण याय्गु जक स्वयाच्चंगु अवस्था दु । अजाःगु अवस्थाय् मातृभाषा पत्रकारिता क्षेत्र नं चकने फयाच्चंगु मडु । अजाःगु अवस्थयात फायाः मातृभाषा पत्रकारिता ख्यलय् व्यावसायिक पत्रकारिताया विकास याय्गु, न्ह्युगु परिकल्पना, न्ह्युगु खुराकलिसें घटना, विचारयात विश्लेषणात्मक ढङ्गं प्रस्तुत यानाः पाठकयात सत्य, सन्तुलित व विश्वसनीय बुखें बीगु ज्याय् लहना न्ह्यानाच्चंगु दु, सदां न्ह्यानां तुं च्वनी ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्चना । पिदंगु च्वसुयात उचित पारिश्रमिक बीगु नं सुचं बियाच्चना ।

लहना वाःपौ
भोर्छे, यें

lahana.news@gmail.com

चगुँ (चाँगु) इ माधवनारायण

चगुँ नारायणया सक्क व ख्वपनाप क्वात्तुगु स्वापू दुगु थुगु परम्परा अनया बासिन्दां गौरव हे ताय्काचंगु दु ।
थज्या:गु परम्परा म्वाकातयगु भी सकसिगु दायित्व ख: ।



चक्रधरानन्द राजोपाध्याय

विश्व सम्पदाया धलख्य दुथ्या:गु चगुँ (चाँगु) नारायण वैष्णव सम्प्रदायया महत्वपूर्ण तीर्थ (धाम) ख: । थन दुगु हनुमानद्य:या क्वय तयात:गु अभिलेख कथं व हनुमान व यैया हनुमानध्वाखाया हनुमान स्वक्वयत्या अथे धइगु ३३ कोष करीब १७ किलोमिटर तापा: । छवपं ६ किलोमिटर ख:सा सक्क करीब ५ किलोमिटर पा: ।

चगुँ (चस्वामायागुँ) ई चस्वामां हे उत्पत्ति जूह जुया: अनया नारायणयात चगुँ नारायण धाइगु ख: । चगुँ धाधां आ: चाँगुनारायण नां च्वंगु दु । व महत्वपूर्णगु गुँ ल्यंकातयत यैया जुजु जयप्रकाश मल्ल उगुगुँया सिमा पाला: सिं दय्का: वा सिमा च्याका: ह्येवा: दय्का: मीत यंकूसा वयात दण्डया नियम तयात:गु ख: । अफ्क थज्या:गु ज्याखँ लँय् खंमेहिसनं उजुर मयातसा वयात नं बं पुइकीगु नियम दुगु ख: । अनया सिमा ध्येनेत, व गुँया सिमा त्वा:दली कथं मखुगु ज्या यायत सुं मन्त्री, भारदारतयसं आदेश ब्युसां व आदेश पालना यायुम्वा: । गुँया नियम कथं ज्या या धका: ने.सं. ८४९ स छगु आदेश जारी यासैं ताम्रपत्र तयाब्युगु दु । अथे याना: ल्यंकात:गु गुँ थौकन्हय मनुतय दथुइ अप्च: सिमा पालेफुम्ह, गुँया सिमा अप्च: क्वथलेफुम्ह, गुँइ च्वंगु तत:व:गु ल्वहँ अप्च: तख्यायफुम्ह, क्वय नं न्ह्यानाच्वंगु मनमती (मनोहरा) खुसिया फि यक्व लिकायफुम्ह बहादुर जुया: क्येनेगु विकृती अप्च:गु दु । थज्या:गु हे ज्याखँया हुनि, विकासया नामय लाला:थे डोजर लँ म्हुइगु हुनि चगुँया च्वं हे चल: वनीगु ला मखुला धका: अनया वासिन्दात त्रिसित जुयाच्वेमा:गु अवस्था व:गु दु । आ: ला चगुँ धइगु नां जक दिन, अन चस्वामा ला म्हव: जुया: निमा प्यमाय सिमित जुइधुंकल । अन गुंगु (९) दहत दुगु ख: । आ: उगु दहत न्हावना: निगु प्यंगु जक ल्यं दिन । चगुँ नारायणद्य:यात न्हिथं स्नान याकेत नील: काय्मा:गु नारायणहिंति नं इलय ब्यलय सुइगु जुयावयधुंकल । हिंति सुइबलय पा: ला:म्ह भनियात मनमती खुसिइ थ्यंका नील: का:वने मालाच्वंगु दु । व हे खुसिइ नं वासिङ्ग धाधां फि सिला: पँचा ल्वाकज्या:जु



बुलूगु ल: ल्वाकज्याना: प्रदुषित जुइधुंकल । थनया परम्परागत संस्कार म्वाकातयत आ: थाकुया वयधुंकल ।

थनया परम्परागत संस्कार, संस्कृतिया खँ ल्हाय्बलय चँगुनारायण द्य:याथाय लापतिकं अनेक परम्परागत पर्वपूजा, जात्रात जुयाच्वेनेगु या: । वैसाखं मू जात्रा, श्रावण व पौष कलश जात्रा, फागु पुन्हिकुन्हु वंशगोपाल (होलां) जात्रा, चैत लक्ष्मीनारायण जात्रा । थुकिया नापं चँगुइ दँय् छक: ख्वपया नवदुर्गा ह्यमा: । न्हापा न्हापा १२ दँय् छक: यैया नवदुर्गा (गथुप्याखं) नं हइगु ख: । थौकन्हय थुगु परम्परा दिना वनेधुंकल ।

मिला पुन्हिसिं सिल्ला पुन्हि लच्छितक्क थन माघ वनेगु चलन दु । उकिया लागिं छबथां मनुत चगुँया थाय्थासय सुथय चा:ट्यु वनी । आइतबा: वा सोमबा: व बिहबा: नारायणहिंति, मंगलबा: गुँइ गनेद्य: (सेतो गणेश), बुधबा: शंखदह, शनिबा: पारिजात सरस्वती वनी । अन स्नान याना: तीर्थतयगु नां कया: न्हापा चम्पक नारायण तीर्थ दर्शन आनन्द धका: कजिनं धाइ, मेमेपिन्सं श्री राधाकृष्ण गोविन्द धाइ । अथे हे, अनेक तीर्थतयगु नां कया:तीर्थ दर्शन आनन्द धाइ, श्री राधाकृष्ण गोविन्द, हरि गोविन्द, हरिगोपाल, भजन हरिशंकर, हरि माधव, गयागदाधर प्रयाग माधव, काशि विश्वेश्वर शिव-शिव माधव, माधव नारायण-जय । शंखध्वनी नापं थुकथंया नां स्मरण लिपा भजन हालाच्वंगु नारायणया जगतीइ थ्यंका: अनया द्य: देग:या नां स्मरण याइ । शंखध्वनी नापनापं नारांद्य:या देगलय थ्यंका: क्व चाय् की । थौकन्हय थ्व परम्परा दिनावनेधुंकल ।

अथे हे, दँय् छक्क: सक्कया व ख्वपया माधव नारायण नं थन हयमा: । सक्कया माधव नारायण सिल्लाथ्व (माघ शुक्ल) एकादशीकुन्हु सक्कय् निक: धलं दंका: फल

जक पालं याना: धलंमित बहनी चगुँपाखे प्रस्थान याइ । बहनीसिया करीब १० ता: इलय चगुँइ थ्यनी । माधव नारायण मथ्यंतल्ले धलंमित जगती (चगुँ नारायण देग: परिसर) दुहांवनेमज्यू । गुलिं जगतीइ पिने बलंपुलिइ पिथाच्वनी । अन धलंमिपनिगु सुविधाया लागिं मि च्याकातइ । दालाय कुबियाह:म्ह माधव नारायण बलंपुलिइ थ्यंका: शंखध्वनी नापं सकसितं जल बी । अले सकले नापं जगतीइ दुहांवनी । उबले अन सावांतयसं भजन हाला हे च्वनी व धलंमितय देग: परिक्रमा जुइ । उकुन्हु बहनी नारायणया आरती सिध:सां ध्वाखा (खापा) तीमखु । माधव नारायण चगुँ नारायणया देगलय यंका: शंखजलं स्वक: अभिषेक याना: जलप्रसाद कालबिल याइ । निम्ह मित्रया मिलन जगु चान्हिसिया थुगु ई तसकं आनन्दमय जुइ । अन आनन्दमय शंखध्वनी दु, गंया भन्कार दु, माधव:.... माधव:या श्रद्धाभक्तिपूर्ण उच्चारण दु, सुमधुर भजनया गुंजन नं दु । थ्व सकतां स: ल्वाकज्या:गु बिस्केगु आनन्दीत स: थ्वयाच्वंगु दु । आहा, गुलि न्हयइपूगु ई थ्व । शायद स्वर्गीय आनन्द धइगु थथे हे ख:ला धइगु सुखानुभूति जुइगु थ्व इलय बहनी खिउँसेच्वं बलय थाकुक्क न्यासिव:गु त्यानु नं तनी ।

थुगु ज्याइव: क्व चाय् का: माधव नारायणया स्मरण यायां द्य:यात जगती दुनेया विशेष थासय तइ । अन नं भजन याइ । धलंमित देग:या बैय् म्वाग्वारातुला: देग:या परिक्रमा याइ । कठिन परिश्रमपूर्वक भक्ति याइ । छुँ ई लिपा घेनेत वनी । उगु दिनय धलंमित चँगुइ हे बासं च्वनी । कन्हयकुन्हु सिल्लाथ्व (माघ शुक्ल) द्वादशीकुन्हु सुथय न्हापां दना: धलंमित थ:थ:गु पूजा ज्वलं ज्वना: धलं दनेगु थाय् शंखदह वनेत तयारी याइ । थुगु थाय् चगुँनारायणं १ किलोमिटरति क्वय् ला: । माधव नारायणालिसं धलंमित सकले अन थ्यंका

द्य:नापं नित्य स्नान याइ । शंख दहलय चल: वंगु जुया: ल: मद्या: थौकन्हय व दिनया लागिं अस्थायी पुख् दय्का: ल: मुंका: ज्या कायगु यानाच्वंगु दु । दहया सिथय माधव नारायण दिकी । अले अन थ्यपिं भक्तजनपिन्सं दर्शन पूजा याइ । धलंमितयसं माधव नारायणया नित्य पूजा सिधय्का: धलं दनेत तयारी याइ । द्य:यात तिसां तीकी । धलंमि सकसिनं नुसला कया: नील: ज्वना: धलं दनेथाय् च्वं वनी । थुगु इलय उमित सुनां नं थीमज्यू थिलाकि हाकनं नुसला काय्मा: । आ: चगुँ नारायणया पूजारी राजोपाध्याय व कुन्हुया धलं दंकी व विधिवत धलं पूजा याइ । धलंया दथुइ आनन्दमय शंखध्वनी, भजन जुयाच्वनी । पूजा क्वचाय्का: सकसिनं जलप्रसाद ग्रहण याइ । इच्छुक भक्तजनपिन्सं धलंमिपिन्त भोजनवस्तु, सिन्ध:, दक्षिणा इनाबी । मिजं धलंमिपिन्सं धोती चिना: सहस्रधारा कुबिया: थाय्थासय जलधारा हाय्क: वनी । मिजंतमध्येयापिं मह दू दाना: जल कया: भजन हाहां शंखध्वनी साथ चँगु नारायणपाखे प्रस्थान याइ । देगलय जगतीइ थ्यंका: स्वचा: चा:हिला: देगलय माधव नारायण यंकी । अन शंखजलं स्वक्क: अभिषेक याना: प्रसाद कालबिल याइ । अर्नालि माधव नारायणयात उत्तरपाखे च्वंगु सत:या दलानय तइ । भक्तजनया पूजा फय्धुंका: दालाय तया: सक्कपाखे प्रस्थान याइ । धलंमितय सक्कय् वना पालं याइ । थुकथं सक्कया माधव नारायणया परदेश यात्रा क्वचाइ ।

सक्कया थ:गु हे बिस्कं म्हसिका दुगु माधव नारायणया धलंयात अनया छम्ह निम्ह विद्वान, संस्कृतिक:मितयसं स्वस्थानी माधव नारायण धलं धाय्गु यानाह:गु दु । उलिं जक मगाना: गनं न्येनेमदुगु गुगु नं शास्त्रय मदुगु माधव नारायण स्वयम् थम्ह हे स्वस्थानी धलं दंगु नं धाय्धुंकल । थ्व मखूगु खँ जुल ।

नारायणं पार्वतीयात स्वस्थानी धलं दनेगु उपदेश जक ब्युगु ख: । माधव नारायणया धलं दनेबलय स्वस्थानीया 'स' तकं उच्चारण जुइमखु, स्वस्थानीया पूजा नं याइमखु । स्वस्थानी धलं दनीबलय ज्वला न्हाय्कनय ॐ कार च्वया: पूजा याइसा माधव नारायण द्य:या मूर्ति हे पूजा याइ । स्वस्थानी धलं क्वचाय् कीबलय सच्छि व च्याता जजंका:, आखेय, ग्वा:, ग्वय, अक्षत मधि तया: पूजा याना: उकी च्वंगु च्याता अक्षत मधि, ग्वा:, ग्वय, जजंका, आखय थ: भा:तयात बी । भा:त मदुसा काय्, काय् मदुसा त्वाय काय्यात बी । त्वाय काय् नं मदुसा खुसिइ चुइकी । माधव नारायणया धलं दनेत सच्छि व च्याता च्वय च्वयाकथंया सामग्री आवश्यक मदु । प्रसाद नं थ: भा:तयात वीगु ख: । माधव नारायणया धलं नादीखुसि (सालिनदी) ई च्वंगु स्वस्थानी देगलय दनीगु मखसैं बिस्कं थासय व्यवस्था यानात:गु थासय द्य: तया: दनीगु ख: । ध्यान, स्तोत्र व पूजा विधि नं ज्व:मला: । पौष शुक्ल पुन्हिसिं माघ शुक्ल पुन्हितक्कया ई छगु जक ज्व:ला:गु ख: । नारायणया माघ लाया नां माधव नारायण ख: । व हे माधवयात लच्छि धलं दनीगु ख: । खय् भाय्या सकिपाया छुप्ये छायाङ्गन यासानिसं व हे माधव नारायण धलंयात हे स्वस्थानीइ स्वाय्यंकूगु ख: । स्वस्थानी व्रत सेवा समिति व माधव नारायण व्रत सेवा समिति नं निगू हे दुगु ख: । आ: निगुलिं छगु या:बलय भन भ्रम जगु ख: । थ्व पाय्छि मखु ।

ख्वपया माधव नारायण नं माघ शुक्ल द्वादशीकुन्हु चँगुइ हइ । ख्वपया हनुमानघाट, ख्वंरय लच्छिचंकां धलं दनीपिं धलंमिपिं थ:थाय्या नित्य धलं क्वचाय्का: मिजंतयसं धोती जक चिना: सहस्रधारा कुबिया: मिसा धलंमिपिन्सं पूजाभ: ज्वना: ख्वपिसिं चँगुइ वइ । चगुँया शंखदह थ्यंका: पूजा याइ । अनया पूजा चगुँनारायणया पूजारी याकेम्वा: । ख्वपं द्य: ज्वनाव:म्ह, राजोपाध्याय ब्राम्हणं याकी । शंखध्वनी नापं नारायणद्य:या जगतीइ वइ । देग: परिक्रमा शंखध्वनी नापनापं जुइ । माधव नारायणयात चगुँ नारायणया देगलय यंकी । अन शंखजलं स्वक्क: अभिषेक याना: प्रसाद कालबिल याइ । व धुंका: हाकनं शंखध्वनी नापं देग: परिक्रमा याना: व कुन्हुया धलं ज्याइव: क्वचाय्की । पालं याना: ख्वपय् हे लिहांवनी । सक्क व ख्वपया माधव नारायण पूजा धा:सा ज्व:मला: ।

चगुँ नारायणया सक्क व ख्वपनाप क्वात्तुगु स्वापू दुगु थुगु परम्परा अनया बासिन्दां गौरव हे ताय्काचंगु दु । थज्या:गु परम्परा म्वाकातयगु भी सकसिगु दायित्व ख: ।

(च्वमि चँगुनारायणया मूल पूजारी ख:)

श्रमिकहरूको मौलिक अधिकारको सम्मान गरौं ।
सबै प्रतिष्ठानहरूले न्यूनतम पारिश्रमिक प्रदान गर्न
आनाकानी नगरौं ।



नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग



सुरेशकिरण मानन्धर

वरिष्ठ पत्रकार लिसें सल्लाहकार, नेवा: पत्रकार राष्ट्रिय दबू

‘अन्तराष्ट्रिय मातृभाषा दिवसया इवल्य भूसं थःगु मातृभाषाया अधिकारया माग यासैं शहादत प्राप्त याःपिं बंगलादेशया न्याम्ह विद्यार्थीतय्त लुमकेमाः । पूर्वी पाकिस्तानय् इलय् माग पूरा मजूबलय् भाषिक समानताया मागय् शुरु जूगु आन्दोलन, अलग्ग देशया मागय् हिलाबिल व बंगलादेशया जन्म जुल । मग इलय् पूरा मजूबलय् व माग भन तःधंगु रूप कयावनी धयागु दसु खः थ्व । नेपालय् नं राज्य थज्याःगु पक्षयात बिचाः याय्माः । मातृभाषा पत्रकारिता क्षेत्रय् जक मखु, नेपाःया हे पत्रकारिता क्षेत्रय् नेवाःतय्गु तःधंगु योगदान दु । बुद्धधर्मया नाम धर्मादित्य मातृभाषा पत्रकारिताया शुरुवात यानादिल । गोरखापत्र हे दैनिक मजुनबलय् नेपालभाषा पत्रिका दैनिक रूपं पिहांवय्थुकल । सत्यनारायण बहादुर श्रेष्ठ नेपाल पत्रकार संघ स्थापना यानाः पत्रकारतय्त संगठित याय्गु ज्या न्ह्याकल, सिनामंगलस्थित संचारग्रामया कल्पना नं गोपालदास श्रेष्ठयागु खः ।’



नूपेन्द्रलाल श्रेष्ठ

ज्याइवः कजि लिसें वरिष्ठ उपाध्यक्ष, नेवा: पत्रकार राष्ट्रिय दबू

‘मातृभाषा पत्रकारिताय् नेवाःतय् भूमिका लिसें जिम्मेवारी तःधं थें ताः । मातृभाषा पत्रकारिताय् दक्कले सक्रिय व दक्कले अप्ठः माध्यम दुपिं धइपिं नेवाःत हे खः । लिसें मातृभाषा पत्रकारिताया शुरुवात नं नेवाःतय्सं हे याःगु खः । धर्मादित्य धर्माचार्य नेपाल सम्बत १०४५ स बुद्धधर्म नाम नेपालभाषाया पत्रिका पिथनाः मातृभाषा पत्रकारिताया शुरुवात यानादीगु खः । भूसं करीब ३ दै न्ह्यः मातृभाषा पत्रकारिता सम्मेलन याना । अन २६ भाषाभाषीतय् दथुइ धर्मादित्य धर्माचार्ययात दक्कले न्हापांम्ह मातृभाषी पत्रकार कथं स्थापित याय्फुगु भूगु निर्मित लसता व गर्वया खँ खः ।’



‘नेवाः पत्रकारिता ख्यः व खय् भाय्या पत्रकारिता ख्यः यक्व हे पाः । खय् भाय्या पत्रकारिताया बजार तःधं सा भूगु बजार सिमित समुदाय दुने जक जुयाच्वंगु दु । व ल्याखं राज्य नं थुकियात बिस्कं नजर स्वय्माःगु आवश्यकता दु । उकिया नापं भूगु संचार क्षेत्रय् बजारया प्रतिस्पर्धाया जक खँ मखु, भाषाया नं खँ वइ । थःगु मांभाय्प्रति श्रद्धाभाव, सम्मानया भाव नं नेवाः पत्रकारिताय् ख्यःयात न्ह्यज्याकाच्वंगु दु । भाषाया सेवा छू पक्ष खःसा थुगु क्षेत्रय् लगानी नं दु धकाः ल्वःमकेफइमखु । अग्रजपिनिगु योगदानयात लुमकाः, मांभाय्या महत्वयात थुइकाः बजारलिसे प्रतिस्पर्धा भू वनेमाःगु दु । थुकिया बजार व्यवस्थापनयात नं परम्परागत ढङ्ग स्वयां विस्कं ढङ्ग बिचाः याय्माः ।’

– सुरजवीर बज्राचार्य

केन्द्रीय नायः, नेवा: पत्रकार राष्ट्रिय दबू



सुरेन्द्रभक्त श्रेष्ठ

व्यवस्थापक, लहना मिडिया व केन्द्रीय दांभारि नेवा: पत्रकार राष्ट्रिय दबू

‘जिं नेवाः संचार ख्यलय् पलाः न्ह्याकागु स्वंगु दशकं मयाय्थुकल । विश्वभूमिया इलिनिसें जिं थुगु ख्यलय् मदिक्क पलाः न्ह्याकावयाच्वनागु दु । उगु इलय् विश्वभूमिया पाठक संख्या, बजार स्वय्युगु खःसा यक्व हे तःधं । गैर नेवाःतय्सं तक नं पत्रिका न्यानाः ब्वं, विज्ञापन तय्त विज्ञापन दाता पाः पियाच्वनेमाः । उगु इलय् विश्वभूमि डिजिटल प्रविधि छापे याय्फुगु खःसा हजारौं हजार कपि चुइ । तर आः डिजिटल प्रविधि दुबलय् अवस्था अःखः जूगु दु । अथेसां याय् मफइगु खँ मद्दु । दक्व नेवाः संचारमाध्यम छधी जुयाः बिग मिडिया हाउसया कन्सेप्टय् वनेमाः ।’



बिराजकाजी राजोपाध्याय

एफ. एम. रेडियोय् न्हापांम्ह नेपालभाषा समाचार वाचक व टेलिभिजनय् राष्ट्रिय प्रसारणय् न्हापांम्ह मिजं ज्याइवः न्ह्याकामि

‘न्हापा इन्टरनेटया सुविधा मद्दु, मोबाइल फोनया सुविधा मद्दु । अज्याःगु अवस्थाय् सूचना संकलन, रिपोर्टिङ आदिइ तकं तःधंगु समस्या दु । भाषाया सेवा याय्गु भावनां जक पलाः न्ह्याकूपिं यक्व दुगु अवस्थाय् पत्रकारिताया सैद्धान्तिक ज्ञानया हे अभाव दुगु खः । तर आः प्रविधिया विकास थज्याःगु ज्याय् तसकं अःपूगु दु । आर्थिक ल्याखं नं न्हापा स्वयां नेवाः पत्रकारिता ख्यःया विकास जूगु दु धाय् मा । न्हापा धेबाया आशा हे याय् थाय् मद्दुगुलिइ आः वयाः छुं भवा आम्दानी जुइगु अवस्था नं दु । विभिन्न सामाजिक संजालमार्फत विना लगानी हे नं भूगु सामग्रीत हलिंन्यक थ्यंकेफइगु अवस्था दु । थ्व भूगु निर्मित लवः हे धाय्माः । तर व्यवस्थित याय्माःगु आवश्यकता धाःसा दु । समाचार वा सामग्री लिसें बजार व्यवस्थापनपाखे नं नेपालभाषा माध्यमया संचारमाध्यमतय् दथुइ सहकार्य यानावसा थ्व ख्यः अफ तब्याना वनेफइ ।’



मीना बज्राचार्य

टेलिभिजनय् राष्ट्रिय प्रसारणय् न्हापांम्ह मिसा ज्याइवः न्ह्याकामि

‘जिं एफ एमय् पलाः न्ह्याकागु इलय् चान्हय् ११ ताः इलिनिसें १२ ताः ईतक्क ज्याइवः न्ह्याइगु, जि मिसा जात, चान्हय् ज्याइवः न्ह्याकेवनेत समस्या हे । १२ ताः इलय् ज्याइवः क्वचाय्काः छैय् थ्यनीबलय् १२:३० ताः ला जुइथुकी । बाः मे गु हे छैय् धनीगु जूगुलिं जि चान्हय् वइ धकाः मस्यु न्हिनय् हे रेकर्ड यानाः चान्हय् हायकीगु धकाः मखु खँ ल्हानाः नं ज्याइवः याना । थ्व ख्यलय् मिसातय्त आः थाकुनि । छैया व्यवहार नं स्वय्माःगु, हाकनं भू नेवाःतय् नखःचखः, जात्रापर्वत दया हे च्चनीगु । उकिया दथुइ मिसा जातया थीथी पावन्दीत दयाच्वनीगु । थज्याःगु अवस्थाया दथुइ मिसातय्त न्ह्यज्याय्त आः नं थाकुनि ।’

आयुर्वेदयुक्त दुस्साई मुक्त १००% जडिबुटीबाट बनेको हुकुम मालिस तेल




मेरुदण्डको समस्या, सोलजर फ्रोजन, माइग्रेन, टाउको, घोट्टी, पुंछा, हड्डी खिइएको, नसाको विकृति, प्यारालाइसिस (पक्षपात) जोर्नी, कम्मर, ककुंचा, पैताला दुख्ने/पोल्ने, भ्रमभ्रमाउने, थकान, मसल, मांसपेशी, यूरिक एसिड, बाथबाट शरीरको भित्री बाहिरी दुखाईलाई शतप्रतिशत निको पार्छ तथा भुसिलीकरा, माहुटी, बारुलाको टोकाई एवम् घाऊ चोटपटकमा प्रयोग गरेमा तुरन्त निको हुन्छ ।

एक्यूप्रेसर बिधिद्वारा घरमा आएर मालिस गरिन्छ ।

सम्पर्क : ९८४१८५१३९८ / ९८१३३०९६६६

Binod Maharjan
9841369552, 9808644666

बि.आर्ट्स




B. Arts

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID) Visiting Card
- & all kinds of press works

Nayabazar, Kirtipur
☎ 4335491, ✉ b_arts@hotmail.com



'थुगु कथंया ज्याइवः जुयाच्चनेमाः । थुगु ज्याइवलं नेवाः पत्रकारिता ख्यलय् दुगु समस्याया पहिचान जूगु दु । थुगु ख्यलय् दुगु अवसरयात नं ब्याब्यूगु दु । थुगु कथं हे नेवाः पत्रकारत मुनाः थुगु ख्यःया अवस्थायात कयाः सहलह याय्माः, समस्या लुइकाः समाधानया लैपु मालेमाः ।'

रचना श्रेष्ठ
केन्द्रीय न्वकू, नेवाः पत्रकार राष्ट्रिय दबू

'टेलिभिजनय् कार्यक्रम, समाचार उत्पादनया नितिं यक्व जनशक्ति खटे जुइमाः । छगू सामग्री तयार याय्त क्यामेराम्यान, रिपोर्टर, स्क्रिप्ट च्वमि, भिज्युअल एडिटर, लाइटम्यान, एंकर, कन्ट्रोल रुमया प्राविधिक उल्लिखिसिया योगदानं बल्ल टेलिभिजन कार्यक्रम उत्पादन व अन इयर जुइ । प्राविधिक ल्याखं नं थुकी तःधंगु खर्च दु, टेलिभिजन दक्कले खर्च अप्वःगु माध्यम जूगुलिं नेवाः टेलिभिजन न्ह्याकातयत राज्यलिसें नेवाः उद्योगी, व्यापारी, समाजसेवीपिन्सं तक नं फरक ढङ्गं थुक्रियात स्वयाबीमाः' नवीन जोशी
अध्यक्ष नेवाः टिभि एचडी



अशिमत मल्ल
दुजः, नेपालमण्डल डट कम

'थनिं २१ दै न्ह्यः सन् २००० स नेपाःया दक्कले न्हापांगु न्यूज पोर्टल ने पालन्यूज डट कमय् सन्ध्या टाइम्सया प्रिन्ट संस्करणयात डिजिटल माध्यमं पब्लिस यानाः नेपालभाषाया अनलाईन पत्रकारिता न्ह्याःगु खनेदु । वयां गुदै लिपा २००९ स पत्रिका मखसें, थःगु हे समाचार तयगु ल्याखं नेपालमण्डल डट कमया शुरुवात जुल । उबले जिमिसं उगुथुगु अनलाईनया हे समाचार कयाः तयगु यानाच्चनागुलिइ आःतक व हे ट्रेन्ड न्ह्यानाच्चंगु खनेदु । नेपालभाषाया न्यूज पोर्टलतयसं आधारभूत मापदण्ड तक पूर्वकगु खनेमदु ।'



'जि जिल्ला रिपोर्टर जुयाः यल जिल्लाया नितिं ज्या यानाच्चनागु दु, नेवाः पत्रकार राष्ट्रिय दबूया यल जिल्ला न्वकू जुयाच्चनागु दु । व ल्याखं नेवाः संचारमाध्यमयात यल जिल्लाया माःगु ग्वाहालि याय्त जि लिसें दबू यल जिल्ला तयार दु । नेवाः पत्रपत्रिकायात नेवाः संचारमाध्यमयात यल जिल्लाया विस्तार याय्गु नितिं जिं फक्व ग्वाहालि याय् ।'

प्रशान्त माली,
न्वकू नेवाः पत्रकार राष्ट्रिय दबू, यल जिल्ला



यै महानगरपालिका

नगर कार्यपालिकाया ज्याकू
शिक्षा विभाग, ताहचः, यै
सुचं ल्याः १

नेपालभाषा प्रशिक्षण सहायकया विज्ञापन

यै महानगरपालिकाया नेपालभाषा व्यवस्था समितिया मिति २०७७/१०/२८ गतेया निर्णय कथं यै महानगरपालिकाया आन्तरिक स्रोतपाखें पारिश्रमिक दइकथं यै महानगरपालिका अन्तर्गत न्ह्यानाच्चंगु सामुदायिक ब्वनेकुथिया आधारभूत तह (तगिं १-८) तक नेपालभाषा (स्थानीय विषय) प्रशिक्षण यायेत प्रशिक्षण सहायकपिनिगु आवश्यकता जूगुलिं क्वय् न्ह्यथनाकथंया योग्यता गाःपिं नेपाली नागरिकपाखें १५ न्हु दुने दरखास्त आह्वान यानागु दु ।

तपसिल :

- विज्ञापन ल्याः ०१/२०७७-०७८
- पद सङ्ख्या : १७२ (सछि व न्हयनिम्ह) ।
- पद : प्रशिक्षण सहायक ।
- तह : सहायक स्तर प्यंगूगु तह ।
- दरबन्दीया प्रकार : सेवा करार ।
- परीक्षा केन्द्र : यै महानगरपालिका न्ह्यथनागु थाय् ।
- स्वापू तिथि : दरखास्त बीगु तिथियां कन्हय् कुन्हु ।
- परीक्षा तिथि : सम्पर्क तिथि कुन्हु सुचं बीगु जुइ ।
- परीक्षा जुइगु केन्द्र : सम्पर्क तिथिइ हे न्ह्यथनी ।
- परीक्षाया किसिम : प्रयोगात्मक पूर्णाङ्क : १०० व मौखिक परीक्षा : पूर्णाङ्क १० यानाः मुक्कं ११० ।
- प्रयोगात्मक परीक्षाया पाठ्यक्रम : यै महानगरपालिका शिक्षा विभाग, ताहचःपाखें उपलब्ध जुइ ।
- न्यूनतम योग्यता :-
(क) नेपाली नागरिक
(ख) १८ दै पुलाः ४० दै मपूपिं
(ग) मानसिक अवस्था थिक जूम्ह
(घ) नैतिक पतन खनेदइगु फौजदारी अभियोग्य अदालतपाखें कसुरदार ठहर मजूम्ह
(ङ) कम्ती नं एस.ई.ई. वा सो सरह उत्तीर्ण
(च) नेपालभाषा संरक्षण व सम्बर्द्धन याइगु दर्तावाल संस्थां नेपालभाषा नवाये, च्वये व प्रशिक्षण बीगु योग्य दु धकाः बिउगु सिफारिस पत्र
(छ) न्यूनतम दछि तक शिक्षण अनुभव दुम्ह नेपालभाषा नवाये, च्वये फुम्ह व्यक्तिया हक्य उमेरया हद मजुइगु
(ज) नेपालभाषा विषय कयाः न्यूनतम शैक्षिक योग्यता हासिल याःम्ह महानगरवासी व्यक्तियात ग्राह्यता बिइगु जुइ
- दस्तुर : यै महानगरपालिकाया नबिल बैक्य च्वंगु आय खाता नं. ०३०६०१७५००१४७ य् रु. ५००/- (न्यासः तका) जम्मा याःगु सक्कली भौचर ।
- निवेदन नापं पेस यायेमाःगु भ्वं : नेपाली नागरिकता व शैक्षिक योग्यताया प्रमाण-पत्रया प्रमाणित प्रतिलिपित, नेपालभाषा संरक्षण व सम्बर्द्धन याइगु दर्तावाल संस्थाया नेपालभाषा नवाये, च्वयेगु व प्रशिक्षण बीगु योग्य दु धकाः बिउगु सिफारिस पत्र, न्यूनतम दछि तक शिक्षण अनुभवया प्रमाण पत्र व Bio-Data ।
- दरखास्त बीगु लिपांगु न्हि : सुचं प्रकाशन जूगु तिथि १५ न्हु दुने ज्याकू ईया दुने (लिपांगु न्हि सार्वजनिक बिदा लाःसा वयां कन्हय् कुन्हु) ।
- दरखास्त बीगु थाय् : यै महानगरपालिका शिक्षा विभाग, ताहचः, यै ।
- स्वापू फोन ल्याः : ०१४२८५६२५/९८४१२९५१०७

सौजन्य : नेवाः स्यनामि दबू, नेपालमण्डल

राम प्रजापति
प्रोग्राइटर

भारती मिठाई भण्डार
(शुद्ध शाकाहारी)

कान्तिमाटी चौक, टंकेश्वर मार्ग, काठमाडौं ।
फोन नं : ४२७२१९९, मो. ९८०३९८०६९९

यहाँ:-विवाह, स्तब्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

आयो नून खाउँ स्वस्थ रहौ

खाउँसतल आयो, आयो नून खरौं तलसतल खरे नून

आयोनिमके कसोबत हुने विचारिहः

- नै घुने, घुने भएमा, नून खाएमा हुने फाइदा, कसो विचारिहः
- नून खाएमा, नून, खोस, नूनको रसो हुने फाइदा
- नूनको रसो नै नून खाएमा हुने फाइदा
- नूनको रसो, नूनको रसो
- नूनको रसो नै नून खाएमा हुने फाइदा
- नूनको रसो नै नून खाएमा हुने फाइदा

खाउँसतल आयो, आयो नून खरौं तलसतल खरे नून

खाउँसतल आयो, आयो नून खरौं तलसतल खरे नून

खाउँसतल आयो, आयो नून खरौं तलसतल खरे नून

चिकित्सालययात अत्याधुनिक स्वास्थ्य उपकरणलिसें सुविधासम्पन्न अस्पताल दय्केगु योजना

यँया क्षेत्रपाटीइ न्ह्यानाच्वंगु छत्रपाटी निःशुल्क चिकित्सालयया ६४ क्वःगु वार्षिकोत्सव पूर्वगु इवल्य चिकित्सालयस लिफ्ट सेवा न्ह्याकूगु दुसा आः उगु चिकित्सालयस अत्याधुनिक स्वास्थ्य उपकरणलिसें सुविधासम्पन्न अस्पताल दय्केगु योजना नं न्ह्याःगु दु । सुविधासम्पन्न अस्पताल च्वनीगु माउ बद्रि भवनया निर्माणया योजना कार्यान्वयन चरणय् थ्यंगु धाःगु दु । थ्व हे सन्दर्भय् छत्रपाटी निःशुल्क चिकित्सालय संचालक समितिया नायः डा. मनोजमान श्रेष्ठलिसे जूगु खँल्हाबल्हा न्ह्यब्वयाच्वना ।

चिकित्सालयया ६४क्वःगु वार्षिकोत्सवया इवल्य स्वर्ण महोत्सव भवनय् लिफ्ट सेवाया शुरुवात जुल । स्वर्ण महोत्सव भवन दय्केगु ला वःदँ मछि दय्केगु कल । थ्व लिफ्ट जडान जुइत उलिमछि ई छागु काःगु खः ?

छखें लिफ्ट जडान जुइत लिबाःगु ला पक्का हे खः । तर योजना दय्काकथं हे जडान जूगु धाःसां ज्यू । न्हापा थुगु भवन दय्कबल्य लिफ्ट जडान याय्गु योजना हे मद्दु । उगु इलय् लिफ्ट मद्दुबल्य सेवा बीत तसकं समस्या हे जुयाच्वंगु खः । गुलिखे विरामीतय्त तलय्या बेडय् तय् यंकेमालाच्वनी । विरामीयात न्यासि वने थाक्याच्वनी । अज्याःगु अवस्थाय् लिफ्टया आवश्यकता तसकं महसूस जुइगु । अथे जुयाः जिमिसं लिफ्ट तय्गु योजना न्ह्यःने यंका । संचालक समितिया उपाध्यक्ष कुमारदेव मानन्धरया संयोजकत्वय् लिफ्ट जडान उप समिति दय् काः योजनायात न्ह्यःने यंका । लिफ्ट गज्याःगु तय्माली, गपाय्धंगु जुइमाः आदि यक्व खँया अध्ययन याना । उकिया नितिं जिमित मणिराज लवटजुया नं तःधंगु ग्वाहालि दत । न्हापा लिफ्ट तय्गु योजना हे मद्दुलि लिफ्ट तय्गु थाय् हे मद्दु । अले कोथा दय्कातःथाय् तछ् यानाः थाय् पिकाय्माल । उकिं यानाः जिमिगु लागत खर्च अप्वल । लिफ्ट तय्त यँ महानगरपालिकां ३० लाख ग्वाहालि बिल सा जिमिसं मेगु १५ लाख तय्माल । मुक्कं ४५ लाखया लागतय् लिफ्ट सेवा न्ह्याकेफत । आः सेवाग्राहीतय्त, विरामीतय्त अःपुइगु अपेक्षा यानागु दु । छि चिकित्सालय संचालक समितिया नायः जुयाः भ्याय्धुंकाः थन यक्व हे ह्युपाः वयाच्वंगु दु, यक्व हे न्ह्यःगु खँत जुयाच्वंगु दु । छि संचालक समितिया नायः जुइ न्ह्यः हे थुगु योजनाय् ज्या यानाच्वनादियागु दुगु खः ला ?

अथे मखु, जि नायः जुया वय्धुंकाःया ई ला छ्म हाथ्यां जाःगु ई हे जुयाब्यूगु दु । अवस्थाया कारणं बिचाः यानातयागु ज्याखँत गुलि याय्मखन । शुरुइ डेंगुया प्रकोप वल । उबले नं जिमिसं दक्कले दंक डेंगुया परिक्षण यानागु खः । स्थानीय वासिन्दायात फक्व दंकाः नं स्तरीय सेवा बीत जिमिसं ज्या याना । हाकनं कोरोना महामारी वल, उकिं यानाः गुलि ई ला अस्पतालया सेवा हे प्रभावित जुल, बन्द हे याय्माल । थज्याःगु थज्याःगु अवस्थां यानाः दक्व हे योजना प्रभावित जुल ।

जि थन नायः जुया वय्धुंकाः थनया दक्व अवस्था स्वयाः, दक्वलिसे सहलह यानाः योजना दय्कु दय्कु ज्या यानाच्वनागु दु । थन ज्युतल्ले मेथाय् रिफर यानाच्वने म्वाय्क सुविधा थप याय्गु नितिं जिमिसं ज्या यानाच्वनागु दु, विशेषज्ञ सेवाया शुरुवात याय्धुन । वरिष्ठ नशा रोग विशेषज्ञ डा. सर्वोत्तम श्रेष्ठ, वरिष्ठ स्तन क्यान्सर सर्जन डा. कपेन्द्र शेखर अमात्य, टेस्ट ट्युब बेबी स्पेशलिस्ट डा. भावा मल्ल श्रेष्ठ, वरिष्ठ सर्जन डा. उदय कोइराला, वरिष्ठ सर्जन डा. किशोर मानन्धर, मिखा ल्वय् विशेषज्ञ सन्तोष मानन्धर, रेडियोलोजिस्ट डा. अनिल पालिखे, मनोचिकित्सक डा. अनुज विजुकुल्ले लगायतया विशेषज्ञ डाक्टरपिंसं आः छत्रपाटी निःशुल्क चिकित्सालयपाखें नं



सेवा बियाच्वंगु दु । विरामीतय्त नां चक्केत ताउत लाइनय् च्वनाच्वनेम्वाय्क टोकन सिस्टमया शुरुवात यानागु दु । उकिया नापं आः याकनं डिजिटल एक्सरे मेसीन ह्य् त्यनागु दु । गुलिखे न्ह्युगु उपकरण ह्युत व सेवा बीत थन थाय्या नं अभाव दु । अथे जुयाः भित्री शहरया स्थानीय जनतायात स्तरीय स्वास्थ्य सेवा बीत हे १० तल्लया अस्पताल दय्केगु नितिं आः माउ बद्रि भवन दय्केगु ज्या न्ह्याकेत्यनागु दु ।

अत्याधुनिक स्वास्थ्य उपकरणलिसें सुविधासम्पन्न अस्पताल दय्केगु घोषणा यानादीगु दु, थुकिया बारे कनादी ला ?

जिमिसं दुई तल्ला भूमिगत लिसें १० तल्लया भवन दय्केगु ज्या न्ह्यःने यंकेत्यनागु दु । थन पार्किङ्गया तःधंगु समस्या दु । भूमिगत निगु तल्ला पार्किङ्गया नितिं छ्यलेगु जुइ । आःयात थुगु भवन १० तल्लया योजना खः । भवनया जग १० तल्ला स्वयां अप्वः दय्केफइगु कथं तय्गु जुइ । लिपा आवश्यकता कथं मापदण्ड कथं

१० स्वयां अप्वः तल्ला थहां वनेमाःसा व कथं नं भी आः हे तयार जुयाच्वनेगु खः । आः चिकित्सालयं छ् यलाच्वंगु जग्गा न्हापा मेपिनिगु ल्हातिइ लाय्धुंक्कूगु खः । उगु जग्गायात लिं हयाः चिकित्सालय न्ह्याकेत योगदान बियादीम्ह बद्रिनारायण मानन्धरया सम्मान कथं वय्कःया नामं भवनया नां माउ बद्रि भवन तयागु दु ।

भवन तयार जुइधुंकाः अत्याधुनिक स्वास्थ्य उपकरण व विशेषज्ञ चिकित्सकलिसेंया सुविधा सम्पन्न अस्पताल न्ह्याकेगु जुइ । भवन निर्माणया नितिं करीब ३५ करोडया लागत अनुमान जूगु दु । भवनया नक्सा नेपालया हे नांजाःम्ह इन्जिनियर मनोहरलाल राजभण्डारी तयार यानादीधुंकेल । भवन निर्माणया योजना कार्यान्वयन चरणय् थ्यंगु दु । निर्माण न्ह्याःगु निदँ दुने ज्या क्वचाय्केगु लक्ष्य दु ।

थुगु भवनय् अत्याधुनिक अपरेशन थिएटर दय् केगुलिसें डायोलोसिस व आइसीयू सेवा बीगु योजना दु । आइसीयूलय् तय्माःपिं विरामीयात तापाक वा उखेंथुखें

माः जुइमालीगु अवस्था मदय्मा धइगु लिसें डायोलोसिस नं थन हे बीगु व मेजर अपरेशन नं थिकेगु, तापाःगु अस्पताल वनेम्वाःलीगु अवस्थाया श्रृजना याय्गुपाखे जिमिसं बिचाः यानाच्वनागु दु ।

३५ करोड ला चीधंगु रकम मखुत । थपाय्मछिधंगु लगानीया व्यवस्थापन गुकथं यानादी ?

थुगु अस्पताल दय्केगु घोषणा धुंकाः स्थानीय वासिन्दा नं उत्साहित जूगु दु । अकुन्हु तिनि थः मद्दुम्ह मां अबु व तताया नामय् सानी कपालीजुं ७ लाख चन्दा बियादीगु दु । अथे हे मेपिं २०म्हैसिनं चन्दा बीगु नितिं नां च्चकातयादीगु दु । थन समाजय् अज्याःपिं यक्व मनूत दु, सुया थः मद्दुपिं मां अबु व सुं परिवारया सदस्यया नामय् अथवा दनिपिं हे परिवारया सदस्यया नामय् चिकित्सालययात ग्वाहालि याय्गु मन दु । अज्याःपिं हे दातापिनिगु ग्वाहालि न्हापा स्वर्ण महोत्सव भवन तयार जुइधुंकेल । समाजपाखें ग्वाहालि दइगु जिमित भलसा दु । उकिया नापं स्थानीय संघसंस्थापाखें ग्वाहालि याय्त मन क्यनाच्वंगु दु । नेवाः मुस्लिम समाजलिसे खँ जूगु दु, व हे कथं न्याडिसन होटलपाखें ग्वाहालि याय्गु खँ वःगु दु । वय्कःपिंसं छु गुकथं ग्वाहालि यानादी व खँ ल्हाय् धाःसा ल्यं हे दनि ।

व हे कथं प्याथल्याव दय्केत वागमती प्रदेश सांसद माननीय वसन्त मानन्धरं ५० लाख बजेट फ्यानादीगु दु । मेगु वर्षय् १ करोड बजेट फ्याय्गु बचं वय्कलं बियादीगु दु । व हे कथं अकुन्हु भीगु चिकित्सालयया वार्षिकोत्सव ज्याइवल्ययँ महानगरपालिकाया मेयर विद्यासुन्दर शाक्यं ५ करोड बजेटया घोषणा यानादिल । आवश्यकता कथं लिपाया आर्थिक वर्षय् बजेट अफ थप यानाबीगु नं धयादीगु दु । सरकारपाखें दक्कले तःधंगु आशा धइगु स्थानीय सरकार हे खःसा स्थानीय समाज नं तःधंगु तिबः खः । थुगु रकम मुनीगुलिइ जि विश्वस्त दु ।

अप्वः यानाः सुविधासम्पन्न अत्याधुनिक अस्पतालया सेवा शुल्क तसकं यक्व जुयाच्वनी । आम सर्वसाधारणयात पुले हे थाक्याच्वनी । न्ह्युगु अस्पताल दय्केधुंकाः थनया शुल्क नं अथे हे जुइगु खः कि ?

सेवाया शुल्क ला दइगु जुल । चिकित्सालयया नितिं छ्म आयश्रोत धइगु नं व हे शुल्क जुल । तर अथे धाय्वं यक्व धेवा काय्गु, धेवा हे जक स्वय्गु खँ नं जुइमखु । आः नं भीसं दुःखी, गरीबपिन्त निःशुल्क सेवा बिया हे च्वनागु दु । सेवा जक मखु, वासः तर्क निःशुल्क बियाच्वनागु दु । विशेषज्ञ चिकित्सक, अत्याधुनिक सुविधा धाय्बल्य छुं भचा थहांवनेफु । तर जिं छिकपिन्त थुलि विश्वास बी कि भीगु शुल्क प्राइभेट अस्पताल स्वयां दँ हे दनी ।

उकिया नापं छ्म परिकल्पना दय्काच्वनागु दु, थुगु परिकल्पनाय् सहलह थाय् नं ल्यं दनि । दुःखी, गरीबपिनिगु नितिं निःशुल्क सेवा नं न्ह्याना हे च्वनी, उकिया नापं मध्यमवर्गीयया नितिं न्यून शुल्क जुइ । फुपिंसं, सम्पन्न वर्गीयपिन्त आत विशिष्ट धाय् वा नां छु बी, भचा अप्वः शुल्कय् सेवा बीगु कथं छ्म परिकल्पना दय्काच्वनागु दु । थुकिं यानाः मेपिं गरीबपिन्त ग्वाहालि जूवनी ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटारिङ पनि गरिन्छ ।

(क) व्यापारी त्यासा
(ख) हायरपचेज त्यासा
(ग) आवासीय त्यासा



(घ) शेरर त्यासा

(ङ) मुद्दती रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, यँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

चिनियाँपाखे सामुदायिक स्कूलया विधार्थीपिन्त खाद्य सामग्री वितरण

चिनियाँ संस्था चाइना फाउन्डेसन फर पोभर्टी एलिभिएसन सामुदायिक स्कूलया १ हजार च्याम्हेसित खाद्य सामग्री लःल्हाःगु दु । फाउन्डेसन अलिबाबा फिलोन्थ्रोपीलिसेया सहकार्य व राष्ट्रियता अपांगता पूर्ण समाजया समन्वयस यैया नागार्जुन नगरपालिकाया प्यंगू सामुदायिक विद्यालयस उगु खाद्य सामग्री लःल्हाःगु खः । स्माईलिङ चिल्ड्रेन प्रोगाम अन्तर्गत चिनियाँ वसन्त महोत्सवया लसताय उपहार कथं उगु सामग्री प्रदान यानागु फाउन्डेसन जानकारी बिल । फाउन्डेसनया कथं नागार्जुन नगरपालिकाया अमरज्योति विद्यालय, सीताराम माध्यमिक विद्यालय, रत्नराज्य माध्यमिक विद्यालय व जनउद्धार



माध्यमिक विद्यालयस उगु खाद्य सामग्री प्रदान याःगु खः । पूर्व प्राथमिकनिसें कक्षा ५ तकक अध्ययनरत मस्तयत छगु बोरा जाकि, स्वंगू किलो केँ अले चिकं ब्यंगू खः ।

सीताराम विद्यालयस जूगु ज्याभुवलय वामती प्रदेशया सांसद केशव पोखरेल, नागार्जुन नगरपालिकाया उपप्रमुख सुशीला अधिकारी, विद्यालयया प्रधानाध्यापक सुरेन्द्रबहादुर थापा लिसें न मस्तयत खाद्य सामग्री लःल्हानादिल । थ्व स्वयां न्हयः उगु संस्थां नेपालय लकडाउनया इलय कोरोना भाइरस संक्रमण विरुद्ध नेपाली जनताया लडाईलय चीनया ग्वाहालि दु धङ्गु मुख्य नारालिसें चन्द्रागिरी नगरपालिका व नागार्जुन नगरपालिकाया १२गु सामुदायिक विद्यालयस अध्ययनरत विधार्थीपिन्त खाद्य सामग्री वितरण याःगु खः । स्माईलिङ चिल्ड्रेन प्रोगाम अन्तर्गत आःतक १५ हजार मस्त लाभान्वित जुइधुकूगु दु ।

लोकसाहित्य परिषद् भवन उलेज्या



लोकसाहित्य परिषद्दया बखुबहालय दयकूगु न्हूगु भवनया उलेज्या जूगु दु । श्रीपञ्चमीया दिं लाकाः विघटित प्रतिनिधि सभाया सांसद कृष्णलाल महर्जन भवनया उलेज्या यानादिल । भवन दयकेगु नितिं शताब्दी पुरुष सत्यमोहन जोशी २ आना २ पैसा जग्गा लोकसाहित्य परिषद्दयात बियादीगु खः । भवन निर्माण सम्पन्न यायत १ करोड ५० लाख खर्च जुइगु अनुमान ई. सुशिल व्यञ्जनकारं यानादीगु दु । सांसद कृष्णलाल महर्जनया सांसद कोषपाखे ५० लाख आर्थिक ग्वाहालि न्ह्याःगु भवन दयकेत बागमती प्रदेश सांसद ज्ञानेन्द्र शाक्य, वर्ल्ड नेवाः अर्गनाइजेशन लिसें जनसहभागितापाखे करिब ८८ लाख आर्थिक ग्वाहालि याःगु परिषदया दांभरिं वासुदेव श्रेष्ठ जानकारी बियादिल ।

ज्याइवल्य नेवाः न्हयलुवा मल्ल के सुन्दरं आजीवन नेपालभाषा साहित्य बिकासया नितिं थःगु श्रीसम्पति भाषिक संस्थाया निति बियादीपि अग्रजपिन्त लुमकादिल । बहुभाषिक, बहु संस्कृतिया धनी देय् नेपाःया कला, कृतियात लोकसाहित्यमार्फत दक्क जनतायात छधीछर्पे यानाः परिषद्दयात देय्या ग्यालरी कथं विकास यायेगु लक्ष्य दुगु शताब्दी पुरुष जोशी कनादिल ।

उगु हे ज्याइवल्य ने.सं. १०६४ या हस्तलिखित लयपौ 'नेपाल' या विश्लेषणात्मक अध्ययन यानाः उपप्रा. निर्मला श्रेष्ठ तयार यानादीगु शोधग्रन्थ 'नेपाल' मूपाहाँ सांसद महर्जन, प्रदेश सांसद शाक्य, शताब्दी पुरुष जोशी व प्रा. प्रेमशान्ति तुलाधर मंकाः कथं पितव्वज्या यानादिल ।

चःमति ज्याथ क्यब म्येचाया पितव्वज्या



चःमति नेवाः खलःया नायः व लोकह्वाम्हा कलाकार पूर्णकाजी ज्यापुया च्वसां पिञ्चःगु चःमति ज्याथः क्यब नाया म्येचाः सार्वजनिक जूगु दु । चःमति नेवाः खलः, चःमति मिसा खलः व चःमति बहुउद्देशीय सहकारी लिमिटेडया ग्वसालय यैय् जूगु ज्याइवल्य यै महानगरपालिकाया मेयर

विद्यासुन्दर शाक्य व शहरी विकास राज्यमन्त्री रामवीर मानन्धर लगायत म्येचाःया पितव्वज्या यानादिल । ज्याइवल्य यै महानगरपालिकाया प्रवक्ता व १५ वडाया नायः ईश्वरमान डंगोल, वडा नं १८ या अध्यक्ष न्हूच्छेकाजी महर्जन, सदाचारी गुरुमा लगायतया उपस्थिति दुगु खः । ज्याइवल्य मेयर शाक्य थः मेयर जुयावय्

धुंकाः यै महानगरपालिकाया विकासय निरन्तर जानाच्वनागु धयादिल । अथे हे, नेपालभाषाया न्हापाम्हा संकिपा पत्रकार विजयरत्न असंबरे संगीतकःमि कलाकार पूर्णकाजी ज्यापुया कारणं चःमति त्वाःया नां सगीत व संकिपा ख्यलय नं थवावःगु बिचाः तयादिल । ज्याइवल्य वहालवाला मन्त्रीया ल्याखं म्येहालाः सोलो कन्सर्ट यानाः विश्व रेकर्ड तयत तालाःम्हा शहरी विकास राज्यमन्त्री मानन्धरयात हंगु खः । ज्याइवल्य म्येहालामिपिं सतिश महर्जन, कल्पना श्रेष्ठ व पूर्णकाजी ज्यापु लगायत म्येहाला न्यंकादीगु खःसा नेपाः डान्स एकेडेमीपाखे थीथी हुलाप्याखे नं न्हयव्वःगु खः ।

भाषाया...

उकिया नापं स्थानीय विषय वा मुद्दाया उठानया नितिं न अज्याःगु हे संचारमाध्यम बांलाइगु निश्चित खः । तर थौं कन्हय् या ल्याय्म्हा पुस्तां मांभाय् ल्हाय्गु त्वःता वनाच्वंगु अथवा मांअबुं थः मस्तयत मांभाय् स्यनेगु त्वःतावनाच्वंगु समस्या नं मातृभाषा माध्यम न्हयानाच्वंगु संचारमाध्यम फयाच्वंगु दु । थ्व हे समस्या नापं न्हूगु पुस्तायात मातृभाषा स्यनेगु माध्यम नं थ्व हे मातृभाषा न्हयानाच्वंगु पत्रपत्रिकार वा संचारमाध्यम जुइफु । अभ्र धाय्, थौंया दिनय न्हूगु पुस्तायात नेवाः भाय् स्यनेगु वा ल्याय्म्हातयत नेवाः ल्हाकेत नं नेवाः संचार ख्यलं तःधंगु भूमिका म्हिताच्वंगु दु । भाषा ख्यलय आकर्षण बीगु खःसा थन अवसरया लकस दयकेमाः । नेवाः संचार ख्यलं अज्याःगु अवसरया लं नं दयकाच्वंगु जुयाः अवसर मालेगु इवल्य ल्याय्म्हात थुखेपाखे आकर्षित जुयाच्वंगु खनेदु । थुकियात अभ्र तब्याकेमाःगु आवश्यकता धाःसा दु ।

ग्वसालय 'थौंया नेवाः पत्रकारिता' विषय अन्तरक्रिया ज्याइवः जूगु नं लुमके । उकिया नापं पत्रकार दबूपाखे हे करीब ३ दै न्हयः २६ मातृभाषा समुदायया ब्वतइ मातृभाषा पत्रकारिता सम्मेलन जूगु नं लुमके । भाषाया उत्थानय् नेवाः संचार ख्यलं मदिक भूमिका म्हिताच्वंगु ला द हे दु । उकिया नापं पत्रकार दबूपाखे नं नेवाः पत्रकारिता ख्यःया उत्थान याय्गुया नापं, मेमेगु मातृभाषा समुदायलिसेया सहकार्यय् नेवाः पत्रकारिता ख्यःया बिकासया नितिं क्रियाशील जुयाच्वंगु च्छाय्बहःजू ।

भाषाया उत्थानया नितिं सकसिनं थःथःगु ख्यलं कुतः यानाच्वंगु दु । सकसिगु भूमिका थःथःगु थासय् उलि हे महत्वपूर्ण जू । तर समाजयात जागरुक व सचेत याकेगु नितिं संचारमाध्यमया तःधंगु भूमिका दइ । नेपालभाषाया उत्थानया नितिं नेवाः संचार ख्यःया नं बिकास यानावनेमाःगु खनेदु । उकिया नितिं सकले नेवाः संचारकर्मी, नेवाः संचारह्यमिपिं छथाय् मुने आवश्यक जू ।

खुलामञ्च...

आः वयाः यै महानगरपालिकां प्वकूगु उगु प्रतिवद्धता पूर्वकूगु दु अले खुलामञ्च हाकनं खुला जूगु दु । यै महानगरपालिकां राष्ट्रिय महत्वया संरचना दरबार हाइस्कुलया क्वचाःगु व वीर अस्पतालया नं पुनर्निर्माण अन्तिम चरणय् थ्यंगु धासें खुलामञ्चय् मुंकातःगु निर्माण सामग्री चीकूगु दुसा अन दयकातःगु टहरा नं डोजर न्ह्याकाः स्यंकाछ्वःगु । 'दरबार हाइस्कुल व वीर अस्पतालया निर्माण सामग्री व अन ज्या

याइपिं छुं कामदार च्वनेत वयकःपिनिगु हे इनापय् जिमिसं सहमति बियागु खः,' महानगर प्रमुख विद्या सुन्दर शाक्य धयादिल, 'निगुलिं संरचनाया दयकेज्या क्वचाःगुपाखे थ्यंगुलिसें वयकःपिन्त जानकारी बियाः खुलामञ्चयात खुला याय्गु अभियान न्ह्याकागु खः ।'

महानगर प्रमुख शाक्य आः बुलुहुँ बसपार्क नं मेथाय् दयकाः खुलामञ्चया उगु ब्व नं खुला याय्गु जानकारी बियादिल । खुलामञ्च जक मखसे महानगरपालिका क्षेत्र दुनेया अतिक्रमित सार्वजनिक बुंयात मालाः पार्क दयकाःलि खुला थाय्या बिकास याय्गु अभियानय् महानगर जानाच्वंगु शाक्य धयादिल ।

काठमाडौं महानगरपालिकाका प्रमुख प्रशासकीय अधिकृत राजेश्वर ज्ञवाली कोभिड-१९ संक्रमणया जोरिखम रोकथाम व नियन्त्रणया नितिं जूगु लकडाउन लिसेंया कारणं संरचना निर्माणय् छुं लिबाःगुलिं खुलामञ्चय् तयातःगु निर्माण सामग्री चीकेत नं छुं लिबाःगु धयादिल । वयकलं लिपांगु इलय न्हियान्हथं सडकय् जुइगु विशाल विरोध प्रदर्शन, च्याली, आमसभा आदि महानगर क्षेत्रया सडक अस्तव्यस्त जुयाच्वंगु व उकिया मारय् महानगरवासी लानाच्वंगुपाखे नं ध्यानाकर्षण जुयाः महानगरपालिकां फक्क याकनं खुलामञ्च खुला याय्गु पहल न्ह्याकागु धयादिल । अतिक्रमणय् लाःगु क्वत्यलाः कयातःगु सार्वजनिक जग्गा लित हयाः खुला याय्गु अभियानय् नं महानगर आक्रमक रुपं न्हयानाच्वंगु वयकलं जानकारी बियादिल ।

किपू नगरपालिकाय् ६ वडाया न्हूगु भवन उलेज्या



किपू नगरपालिका ६ वडाया न्हूगु दयकूगु वडा भवनया उलेज्या जूगु दु । यै जिल्ला समन्वय समितिया प्रमुख शिव सुन्दर राजवैद्य व किपू नगरपालिकाया मेयर रमेश महर्जन उगु वडा भवनया मंकाः कथं उलेज्या यानादीगु खः । ज्याइवल्य यै जिल्ला समन्वय समितिया उप-प्रमुख सरिता

दाहाल, किपू नगरपालिकाया उप-मेयर सरस्वती खड्का, किपू नगरपालिकाया वडा अध्यक्षतलिसें सर्वसाधारणतय् ब्वति दुगु खः । वंगु जेष्ठ १७ गते यै जिल्ला समन्वय समितिया प्रमुख राजवैद्य व किपू नगरपालिकाया मेयर महर्जन मंकाः कथं उगु भवनया शिलान्यास यानादीगु खः ।

किपूया मिसातयत् आर्थिक रुपं सबल दयकेत नगरपालिकापाखे तिबः



किपू नगरपालिकाय् मिसातयत् लं सुइगु कल (सिलाइ मेशिन) व मसला दयकेगु मेशिन लःल्हाःगु दु । किपू नगरपालिका वडा नं. १ य् च्वपि मिसा पुचःयात आर्थिक तिबः जुइगु कथं ज्या याय्गु नितिं उगु

सामग्री लःल्हाःगु दु । ज्याइवल्य किपू नगरपालिकाया मेयर रमेश महर्जन, उप-मेयर सरस्वती खड्कालिसें वडा नं. १ या अध्यक्ष हर्ष महर्जन मिसा पुचःयात उगु मेशिन लःल्हानादीगु खः ।

नेवाः पत्रकार राष्ट्रिय दबू काभ्रे शाखाया साधारण सभा



नेवाः पत्रकारतयगु राष्ट्रिय संगठन नेवाः पत्रकार राष्ट्रिय दबूया काभ्रे शाखाया दैमुंज्या बनेपाया सेन्चुरी होटलय् क्वचाःगु दु। काभ्रे शाखाया नायः सिद्धिबहादुर कर्माचार्यया नायःसुइ जूगु थुगु ज्याभूवः उलेज्या यासें पत्रकार राष्ट्रिय दबूया केन्द्रीय नायः सुरजवीर बज्राचार्य संधीय लोकतान्त्रिक गणतन्त्र बःलाकेत नेवाः पत्रकारतयगु योगदान महत्वजाःगु खँ न्ह्यथनादिल। वयकलं संचार या थौया युगलय् नेवाः समाजया सः थनेगु ज्याय् नेवाः पत्रकारपिं न्ह्याबले न्ह्यज्याये माःगु खँ न्ह्यथनादीगु खः। ज्याभूवल्य

दबूया वरिष्ठ उपाध्यक्ष नृपेन्द्रलाल श्रेष्ठ येँ महानगरपालिका दबूयात यानाचवंगु ग्वाहालिया खँ कँसे स्थानीय तहय् स्वापू तयाः पहल यायेमाःगुपाखे ध्यान सालादीगु खः। ज्याभूवल्य दबूया केन्द्रीय कोषाध्यक्ष सुरेन्द्रभक्त श्रेष्ठ दबुलिं १० लाखया पत्रकार स्वास्थोपचार कल्याण कोष स्वनेधुकूगु खँ न्ह्यथनादिल। ज्याभूवल्य केन्द्रीय ज्यासना पुचःया दुजःपिं विराजकाजी राजोपाध्याय व विजयराम कर्माचार्य नं थःथःगु खँ तयादीगु खःसा काभ्रे शाखाया सल्लाहकार सुर्यप्रसाद लाकौजु नेवाः पत्रकारतयसं मेमेगु भासं नं

दक्ष जुयाः पत्रकारिताय् तिवः बिमाःगु, थःगु उपस्थिति क्यनेमाःगु धयादिल। लसकुस यासें काभ्रे शाखाया उपाध्यक्ष सोमकाजी शाक्य नेपालभाषा, लिपि प्रशिक्षण व कयालेण्डर प्रकाशनया ग्वासाः दुगु खँ न्ह्यथनादीगु खः। ज्याभूवःया सभानायः सिद्धिबहादुर कर्माचार्य काभ्रेया गौर वशाली पत्रकारिता इतिहासया खँ न्ह्यथसें व्यवसायिक पत्रकारिता विकास यायेमाःगु खँ न्ह्यथनादीगु खः। पत्रकार राष्ट्रिय दबू काभ्रे शाखां स्वलापौ पिथनेगु ग्वासाः नं उगु ज्याभू वलय् ग्वःगु खः।

लिपि प्रशिक्षणया समापन



येँ महानगरपालिका १८ वडाया ग्वसालय् जुयाचवंगु प्रचलित नेपाल लिपि स्यनेज्या क्वचाःगु दु। छगू ज्याइवःया ग्वासाः ग्वसे लिपि स्यनेज्याया औपचारिक समापन याःगु दु। ज्याइवल्य येँ महानगरपालिकाया मेयर बिद्यासुन्दर शाक्य प्रशिक्षार्थीपिन्त दसिपौ लःलहानादिल। व इवल्य येँ महानगरपालिकाया मेयर शाक्य येँ महानगर संस्कृति, सम्पदा नाप भाषा व लिपि बिकास यायगुलिइ माःगु बजेट

तयावयाच्चनागु धयादिल। येँ महानगर थःगु मातहतय् लाःगु स्कूलय् नेपालभासं हे बबंकेगु निरति ब्यवस्था यायत्यनागु जानकारी शाक्य बियादिल। उकिया हे इवल्य येँ महानगर शिक्षक तक माग यायधुकूगु लुमकादिल। लच्छियक जूगु प्रशिक्षणय् प्रशिक्षक पिबत्र कसालं लिपि प्रशिक्षण बियादीगु खः। कक्षाय् मुक्कं ३५ प्रशिक्षार्थीया ब्वति दुगु खः। लच्छियक जूगु ज्याइवःया ब्यवस्थापन नेपाल लिपि गुथि याःगु खः।

**भीगु थःगु मांभाय् हे
भीगु थःगु म्हसिका खः।
मांभासं शिक्षा कायेगु मस्तय्गु
नैसर्गिक अधिकार खः।
थनिनिसैं हे मांभाषं
खँ ल्हाये नू, खँ ल्हाके नू।**

लक्ष्मीदास मानन्धर
भाषासेवी

डा. महेशमान श्रेष्ठ
भाषासेवी

मोतीलाल शिल्पकार
भाषासेवी

“आरोग्य परम्परा साक्षात्”
यल महानगरपालिका-१६ वडा ज्याकुधि व अरनिको समाजया मंकाः इनाप
बृहत निशुल्क स्वास्थ्य शिविर

| क्र.सं. | परीक्षण याइनु लव्य | मिति | स्थान |
|---------|--|---------------------|----------------|
| १ | बच्चा, हाड जोडी | माघ १७ गते शनिवाः | मन्लबजार |
| २ | बुनः स्वयं सम्बन्धी | माघ २४ गते शनिवाः | बुबाः |
| ३ | मसा स्वयं, घुक्नु स्वयं, मिखा सम्बन्धी | फागुन १ गते शनिवाः | बालिपल अशोक इल |
| ४ | मिखा स्वयं सम्बन्धी | फागुन ८ गते शनिवाः | बानबहाः |
| ५ | घ्वाः बुनः स्वयं सम्बन्धी | फागुन १५ गते शनिवाः | दीबहाः |
| ६ | बच्चा, पिसाब सम्बन्धी, माजुंहे व जनरल (ज्वाधःपिं नान्दिकतय् सति) | फागुन २२ गते शनिवाः | मन्लबजार |

कां इनाः शिविर युग्नु दिव्य सुब्ब ट नाः इलमिं ११ नाः इलमिं १६ गते सप्तम्य कार्यान्वयन शिविर, धौला व मसाः जस्य परीक्षणः सुब्ब ५ नाः इलमिं १२ नाः इलमिं

उलति परीक्षण याइनु लिपि लिपि

डा. बसन्त श्रेष्ठ (जुने लिपि), डा. सुभाषराज शर्मा (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि), डा. सुभाष श्रेष्ठ (जुने लिपि)

मोटः मिखा स्वयं सम्बन्धी जीव्य ४५ ई स्वयं प्याय मिखाय् Papsmear लिपि जीव्य ५५

जस्ताः सलः **ज्याहालिपि संस्था**
यल महानगरपालिका-१६ वडाया ज्याकुधि अरनिको समाज

छत्रपाटी निःशुल्क चिकित्सालय
२०१३

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरांग सेवा

दीन, दुखी व असहायपिन्त निःशुल्क स्वास्थ्य सेवा प्रदान।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

शल्यक्रिया

- मोतिबिन्दु
- जनरल सर्जरी
- नहायपं, नहाय, जापः
- हाड जोडी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्लाःया लव्य
- सुरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- ड्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- सुरोपेली स्तरया दन्त प्रयोगशाला

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९१९, ४२६६२२९, E-mail: cfclinic@mail.com.np, www.free-clinic.org.np